

彰德府志



彰德府志卷八

章德府志目錄

卷首

上諭

聖製

舊序

銜名

凡例

圖說

卷一

天文

地理

卷二

山川

卷三

建置

卷四

古蹟

卷五

學校

書院

義學附

卷六

職官

考表

卷七

官蹟

卷八

官蹟

卷九

選舉

科第

薦辟

貢舉

武勳

封爵

卷十

武備

卷十一

田賦

地畝
起運
墾荒
驛站

科則
存留
耗羨
雜稅

正賦
雜貢
鹽引

人丁
漕糧

戶口
宗祿

卷十二

風土

風俗
物產

卷十三

人物

名臣

卷十四

人物

庶官

卷十五

人物

忠烈

卷十六

人物

孝友

卷十七

人物

儒林
文苑
行誼

卷十八

人物
義行
隱逸
技藝
流寓

卷十九

列女
賢母
賢婦
孝女
孝婦
烈女
烈婦
義女
義婦
完節
完婦

卷二十

完節
貞壽
貞女

列女

卷二十一

寺觀
仙釋附

卷二十二

藝文
制誥
奏疏
書啟

卷二十三

藝文

序 跋

卷二十四

藝文

碑記

卷二十五

藝文

碑記

卷二十六

藝文

碑記

卷二十七

藝文

論 贊 銘 議 考 說 傳
雜著 誌

卷二十八

藝文

詩

卷二十九

藝文

詩

卷三十

藝文

賦

卷三十一

禮祥

卷三十二

雜記

雜行

拾遺

雜錄

彰德府志卷十三 上

人物志序

郡志例詳人物表前賢維風化也彰郡所屬歷代名流比肩接踵載在史書而舊志所列每有附會遺漏或畧所當詳詳所當畧多未實証於書今與宦蹟志一例凡士大夫之忠孝文行卓卓在史冊者節採作傳下至伎術之能有善必彰皆非無據至於新增時賢尤在加慎必公論僉同然後核編無敢濫收將必有聞風興起者

名臣

周

蘧瑗字伯玉衛大夫世傳爲內責人外寬內直行年五十而知四十九之非獻公十八年孫林父謀出公入見伯玉曰君之暴虐子所知也大懼社稷之傾覆將若之何對曰君制其國誰敢奸之雖奸之庸知愈乎遂行從近闕出殤公十二年甯喜謀納公告伯玉伯玉曰瑗不得聞君之出敢聞其入遂行從近闕出獻公後三年吳公子札適衛與瑗語說之曰衛多君子未有患也靈公立嘗與夫人夜坐聞車聲至闕而止過闕復有聲夫人曰此必蘧伯玉也公曰何以知之夫人曰妾聞禮下公門式路馬以廣敬也夫忠臣孝子不爲昭昭信節不爲冥冥墮行蘧伯玉衛之賢大

夫也仁而有智敬於事上必不以闇昧廢禮是以知公使人視之果遽伯玉是時伯玉賢孚於國公亦知之以嬖彌子瑕故不能用史鰌亟言於公弗聽鰌將死命其子曰吾不能進賢退不肖是生不能正君死無成禮汝置尸牖下勿殯可也從之公往弔怪而問焉以告公曰是寡人之過也命殯之客位乃退子瑕而用伯玉趙簡子將伐衛使史默往視之還報曰遽伯玉爲政未可以加兵簡子遂寢兵不出靈公使伯玉之楚逢楚公子皙於濮上伯玉爲軾車子皙曰吾問上士託邑其次託辭其下託財三者固可得而託耶伯玉曰謹受命旣致使昭王問士伯玉曰楚多士

而不能用王曰何謂也對曰子胥生於楚逃之吳吳人相之發兵攻楚墮平王之墓是吳善用之蚩黃生於楚走之晉其治七十二縣道不拾遺城郭不閉是晉善用之今瑗之來逢子胥於濮土又將行矣於是昭王追子胥而還之伯玉嘗與公叔文子升瑕邱文子曰樂哉斯邱也死則我欲葬焉伯玉曰吾子樂之則瑗請前伯玉篤行慎德老而不勣孔子適衛主其家亦嘗使人於孔子孔子與史魚並稱之

左史
檀弓

宋咸平中追封內黃侯從祀孔子廟庭今內黃有

伯玉祠又祀鄉賢祠

直隸長垣縣
有伯玉墓

馮亭韓上黨守秦攻韓上黨急亭使人告趙曰民不以

上黨與秦願納於趙趙王喜使趙勝往受地以三萬戶之都封馮亭亭垂涕不見使者曰吾不處三不義也爲主守地不能死固不義一矣入之秦不聽主令不義二矣賣主地而餐之不義三矣遂辭封而入韓

史記
新增

漢

周憲河內林慮人以卒從高祖起碭以連敖入漢以長

鉅都尉擊項籍封林慮侯

漢書功臣表
新增

馮揚繁陽人宣帝時爲宏農太守有八子皆爲二千石

趙魏問榮之號萬石君

漢書

馮偃揚之子也爲黎陽令兄弟形皆偉壯偃獨短小恐

子孫之似已乃爲子抗娶長妻侯生勤長八尺三寸

漢書

馮勤字偉伯萬石君子之曾孫八歲善計初爲太守銑

期功曹以高能稱期常從光武征伐政事一以委勤

旣而薦於光武除郎中給事尙書圖議軍糧在事精

勤遂見親識每引進帝顧謂左右曰佳乎吏也由是

使典諸侯封事勤差量功次輕重國土遠近地勢豐

薄莫不厭服焉自是封爵之制非勤不定帝益以爲

能尙書家事皆令總錄之司徒侯霸薦前梁令閭揚

揚素有讒議帝嘗嫌之見霸奏疑其有姦大怒使勤

奉策至司徒府勤還陳霸本意申釋事理帝意稍解

尋拜勤尚書僕射職事十五年以勤勞賜爵關內侯
遷尚書令拜大司農三歲遷司徒先是三公多見罪
退帝賢勤欲令以善自終乃因譙見從容戒之勤愈
恭約盡忠號稱任職勤母年八十每會見詔勅勿拜
令御者扶上殿謂諸王曰使勤貴寵者此母也其見
親重如此勤七子長子宗嗣至張掖屬國都尉中子
順尚平陽公主至大鴻臚卒順中子奮襲主爵薨無
子以兄羽林右監勁襲爵奉主祀勁薨子卯嗣延光
中爲侍中卯薨子留嗣奮弟由黃門侍郎尚平安公

主

漢書

蓋寬饒字次公魏郡人明經爲郡文學以孝廉爲郎舉

方証對策遷諫大夫坐舉奏大臣非是左遷衛司馬
未出殿門斷其禪衣令短離地冠大冠帶長劍躬至
行士卒廬室視其飲食居處有疾病者身自撫循臨
問家致醫藥遇之甚有恩及歲盡交代上臨饗罷衛
卒衛卒數千人皆叩頭自請願復留共更一年以報
寬饒厚德宣帝嘉之命爲太中大夫使行風俗多稱
舉貶黜奉使稱意擢司隸校尉刺舉無所迴避京師
爲清平恩侯許伯入第丞相御史將軍中二千石皆
賀寬饒不行許伯請之廼往從西階上東鄉特坐許
伯自酌曰蓋君後至寬饒曰無多酌我我廼酒狂承
相魏侯笑曰次公醒而狂何必酒也坐者皆屬目畢

下之酒酣樂作長信少府檀長卿起舞爲沐猴與狗
鬥坐皆大笑寬饒叩視屋而歎因起趨出劾奏長信
少府以列卿而沐猴舞失禮不敬上欲罪少府許伯
爲謝良久上廼解寬饒爲人剛直高節志在奉公家
貧奉錢月數千半以給吏民爲耳目言事者身爲司
隸子常步行自戍北邊公廉如此然深刻喜陷害人
在位及貴戚與爲怨又好言事刺訛奸犯上意上以
其儒者優容之時上方用刑法信任中尙書宦官寬
饒奏封事上以寬饒怨謗終不改下寬饒吏寬饒引
佩刀自剄北闕下衆莫不憐之

漢書

樂巴字叔元內黃人順帝時以宦者給事掖庭補黃門